

‘Un futuro periodístiko kompartí: Islanan Karibense & Hulanda den kòmbersashon’

Na sèptèmber tabatin e promé ‘Nederlands Journalistiek Festival’ (Festival di Periodismo Hulandes) na Deventer na ‘Huis voor de Journalistiek’ (Kas di Periodismo). Nos ke rekapitulá en partikular nos promé seshon di: ‘Un futuro periodístiko kompartí: Islanan Karibense i Hulanda den kòmbersashon’.

Nos a pone un ophetivo hopi haltu: trese periodista di Islanan Karibense i di Hulanda huntu pa topa otro i siña di otro i yega asina na un imágen mas profundo di e kalidat di periodismo na e parti karibense di Reino. Pasobra periodismo na e islanan ta bon i multifasétiko, pero tin seguramente mester di sosten pa loke ta trata periodismo na un nivel mas profundo i periodismo investigativo.

Joëlle Terburg, director-statutario i Wensly Francisco, eksperto ku ta atendé ku e areglonan di BJP, ku ámbos a hasi un bishita di trabou na komienso di 2025, tabata ansioso pa mira su resultado. Pasobra tabata un di e promé biahanan ku un kòmbersashon asina lo a tuma lugá. E nesesidat a resultá di ta grandi: sala tabata completamente yen – ku periodistanan karibense (ademas di sinku periodistanan orador, BJP a duna sinku periodista lokal e posibilidat pa partisipá) i periodista di Hulanda.

Tabata un plaser pa mira kon durante lùch i na final – en echo durante henter e festival- hende tabata topa otro, interkambiá dato personal ku otro, ideá trabounan i hasta traha plannan konhunto pa proyektonan nobo. E kòmbersashonnan mas profundo durante grabashon di e programa radial na Boneiru di Martijn Hisschemöller [Op de Klippen](#) (e biaha akí, komo eksepsjon, for di Deventer), ku a tuma lugá despues di e seshon, a aña un gran balor na e evento.

E seshon durante e festival tabata un siguiente paso den direkshon di ehekushon di e areglonan di BJP pa e seis Islanan Karibense den Reino, ku a kuminsá na promé instansia ku supsidio di alrededor 20 periodista trahando na proyektonan grandi. Pasobra no mester solamente di supsidio pa proyekto pa investigashonnan independiente i pa publikashon, pero tambe tin nesesidat pa enkuentro- i momentunan pa ban topa i kompartí ku otro. Nos ta haña ku esei a sosodé na Deventer. Ku esaki, nos mes tambe a haña un bista nobo, ku nos lo inkalkulá en adelante.

Nos ta gradesí oradornan Sharina Henriquez, Derrick Walter, Dick Drayer, Melissa Stamper, Dimetri Whitfield i Martijn Hisschemoller un biaha mas pa kompartí nan konosementu i eksperiensia ku nos. Un danki ta bai tambe na Deya Mensche pa a duna nos un bista den e investigashon ku e ta hasiendo. I finalmente palabranan di danki ta bai pa Patricia Cronie, ku komo moderador a sa di mantené un liña kòrá durante kòmbersashon di un tema tan ekstenso manera esakí i koleganan periodista di Fondo BJP ku a organisá e seshon i inkluí presensia di Fondo dBJP di forma tan diligente i agradabel.

Habri e [link](#) akibou pa skucha transmishon di ‘De nacht van het Caribisch Netwerk’ (Nochi di Ret Karibense) kaminda Joëlle Terburg i Wensly Francisco ta invitado di Guillian Payne i nan ta papia di (sosten independiente) pa periodismo na e islanan, un programa grabá e anochi promé ku e seshon a tuma lugá.